

*image
not
available*

B. 17

5
823
7

FINCETICA NAZIONALE
CENTRAL - BRITISH

DE NOVISSIMIS
ETRURIAE LEGIBUS

EXERCITATIO

DE

EX

DE



DE

DE

DE

FLORENTIÆ MDCCLXXXI.

Ex Typographia Bonducciana

Censoribus Approbantibus.

IOSEPHO . BENCIVENNI . PELLI
PRÆSTANTISSIMO . ET . NOBILISSIMO . VIRO
QUI
IN . IURISPRUDENTIA . PHILOSOPHIA
OMNIQUE . DOCTRINÆ . GENERE
EXCELLENS
REGIÆ . PINACOTHECÆ
PRÆEST
IOANNES : GUALBERTUS . BECHI
AMICO . DULCISSIMO
EXERCITATIONEM . HANC
STUDIORUM . SUORUM . FRUCTUM
D. D. D.

12. DIC. 1886

B² 17. 5. 823. 4



ÆPE mecum cogitabam, o
~~Via Clarissime,~~ qui inter a-
 micitiæ, & philosophiæ cul-
 tores nemini es secundus,
 quam pauci in tanta Docto-
 rum, ac Sapientum, qua laboramus co-
 pia in legibus explicandis, aut interpre-
 tandis earundem legum spiritum, &
 causas inquirent. Quamvis sane multi in
 hujusmodi versentur exercitationibus, at-
 tamen fere omnes eorum qui in Juris-

prudencia vocantur magistri, quasi ser-
vum pecus vestigia secuntes, longe a
veritate aberrant, & distant. Ob quam
causam a multis examinatur questio,
an utilius sit verba prout sonant accipe-
re, an potius spiritus, aut ratio legum
sit investiganda, quemadmodum placuit
Philosophis, & quemadmodum Quintilia-
nus affirmat (1) „ *Omnis iuris questio,
aut verborum proprietate, aut equi dispu-
tatione, aut voluntatis coniectura continetur,
quorum pars ad rationalem, pars ad
mbralem Philosophiam reducat.* „ Ipsi
quidem Iurisconsulti sapienter judicarunt
philosophia duce, & auspice justitia se-
sum magis quam litteras, aut verba inspi-
ci debere, veluti Celsus & Modestinus
loquuntur „ *Scire leges non hoc est ver-
ba eorum tenere, sed vim, ac potestatem*
(2) „ *Et si maxime verba legis habent*

(1) *Institut. Lib. II. Cap. II.*

(2) *in Leg. Scire Dig. de legibus.*

5

*intellectum, tamen mens Legislatoris aliud
vult* „ (3) Ac in pluribus quamvis locis
prævaleat opinio, leges esse stricte ad lit-
teram explicandas, nec ulterius protra-
hendas, aut restringendas, nihilominus
asserere audentius non dubitamus vete-
rum Doctorum innixi, auctoritati, magis
æquitati, & philosophiæ consonum esse,
leges non iuxta verborum simplicitatem,
sed iuxta Legislatoris verisimilem volun-
tatem, & populorum mores interpretari.
At quoniam hæc duæ opiniones, in E-
truria regia notestate minima fuerint
concordatæ, ideo evenit, ut discordes
sententiæ sæpe in iisdem controversiis
proferant iudices, & jurisperiti iniquitas,
ras, & prolixas consultationes in lucem
edant. Quibus reparandis malis Civita-
tes jus Statutarium promulgarunt, quod
etiam ius municipale dictum est, & Le-
gislatores ad casuum opportunitatem no-

A 3

(3) in Leg. scire oportet Dig. de excusationib.

vas statuebant leges, quarum multiplici-
tas, & discrepantia lites, & ambages au-
gendo, inimicitias, dissidiisque magnum
præbabant alimentum, & ita novum
prioris deterius malum exoriebatur.

Et revera dum confusionem inspecimus, quæ ex tanta legum multiplicitate, sive discrepantia producitur, minime, ab exclamando cum Satiricorum Principe possumus abstinere. (4).

Qui iuris nodos, & legum enigmata solvat?
Et nemo est qui non cupiat, ut redeant
illa aurea Saturni tempora, quibus O-
vidio teste unusquisque

Vindice nullo

*Sponte sua sine lege fidem rectumque co-
tebat.* (5).

At quoniam fuerunt a Poetis fida Sa-
turnia regna, vel justa ira Dei redire
non sinit, cum tot malorum generibus,

(4) *Juvenalis Satira VI.*

(5) *In Metamorph. Lib. I.*

quibus infelix mortalium natura angitur
saltem non conspirent leges, quas homi-
nes fere divini ad humanam felicitatem
populis edixerunt.

Hæc graviter cogitans Princeps olim
noster Petrus Leopoldus, nunc Impera-
tor Augustus, cuius beneficentissimus,
& providissimus animus nullam sibi per-
misit requiem, donec quid nullius inspi-
ceret, decrevisset, veteres restauravit di-
positiones, novas adiunxit, atque Erru-
rit fatum firmior obstipuit. Præ ceteris
~~semper æris immortalitate dignus~~ Codex
penalis, qui non solum sub ipsius ap-
spiciis, sed ipso apdore compositus ad-
mirationem, & laudem totius Europæ iu-
re meruit obtinere. Humanitas, & Cle-
mentia Principis digne comites, usque
adhuc exules, per ipsum quasi triumphan-
tes redeunt, atque horrida præterite
ætatî aufugit barbaries. Mortis præcipi,
cujus nequidem lugubre spectaculum im-

probos homines a seclerum tramite potuit revocare, abrogavit, memor quod supremus Mundi Arbitrator tantum vitæ, & necis est dominus, nec sub ejus imperio nocentium sanguinem effudit ultor justitiæ gladius, sed minoribus substitutis pœnis rubiginosus, atque inutilis hæsit humi. Tormentorum instrumenta, quibus obsistens reus imperterritus justam evadit punitionem, pavidosque innocentem sæpe damnatur ad supplicium, destruxit, & oh utinam cum ipsis invisa Phalaridum, & Neronum periisset memoria! Lesæ Majestatis crimina, bonorumque confiscatio; quæ regium olim locupletabant thesaurum, modo nec uxorem; aut filios, coniuge, aut patre viduant; nec omnibus substantiis exutos ad ultimam redigunt ignominiam; atque mendicitatem. Justa denique inter culpas, & pœnas proportio admiratur, se-

candum illud Horatii (6) dictum ⁹ qui
canit: .

Adsit .

*Regula peccatis quæ panas irroget æquas,
Ne scutiosa dignum horribili sedlere flagello.*
Ille autem maluit civem, & patrem es-
se, quam principem, & dominum, atque
ut Plinii (7) verbis loquar, credidit tan-
to magis excellere, quantum se se unum
ex nobis esse putabat.

Novam quoque Juris Civilis Colle-
ctionem necessitas temporum, veterum
~~legum obli-vio~~, copia, vel discrepantiæ
exposcebant, & Leopoldus post multas
editas constitutiones, quibus & abusus
corrigere, & meliora antiquorum placita
iterum in lucem suscitare proposuit sibi,
novi Codicis executionem commisit Iu-
risconsulto summo, atque simul Philo-
sopho, qui præ cæteris tanto dignus mu-

(6) *Lib. I. Satira III.*

(7) *In Panegy. ad Traianum.*

nere, quum Civitatis, & Curie sit ornamentum, & decus, haud dubie publicis omnium satisfaciet votis.

At maxime Principis humanitas, & sapientia refurgent in legibus, quarum solamen colonorum, & pauperum scopus erat precipuus; quamvis in omnibus beneficentia eminenter appareat, rectique amor quasi sidus in tenebris dominetur. Beneficiorum immemor vulgus intelligat, cui meliorem conditionis suae constitutionem, debeat, nec cæcus, aut demens optatæ felicitati audeat adversari.

Et profecto si ad divitum, & possidentium statum respicitur, quid felicius? Et contra quam inopum, & artificum conditio, quid tam erat tristis? Dum honoribus, & immunitatibus divites fruebantur, pauperes tantum labores, & onera sustinebant. Oportebat igitur hæc duo extrema inter se nimium disiuncta propius accedere, ut fatali ablato discri-

mine, cuius causa dissidia, atque exoriantur inimiciæ, omnes mutuo amore flagrantem communem patriam diligerent, utque non quasi æmuli, aut inimici, sed quemadmodum iussit hominum Parens, & Dominus, quasi concives, aut fratres invicem agnoscerentur.

Neque jam perfectissimam substantiarum, ac graduum æqualitatem consequi posse arbitramur, veluti commendatur in divini Platonis republica, & solummodo minus injustam bonorum retributionem suadere nitimur. ut publicæ felicitas firmioribus jugiter consolidata fundamentis ædificetur. Lacedæmonum Civitas æqualitatis legibus regebatur, nec ullum sane imperium maiorem virtutis, & sapientiæ celebritatem adeptum est. Improbum autem dicere solebat Curius, civem esse, cui pars, quæ unius hominis alimentis sufficiat, parva videatur. Et quid seipsa societati prosunt, aut a-

varus Crassus, aut mensæ, equorumque amans Lucullus? Non ne melius foret, ut res divitiæ in paucas congestæ familias ad omnes transmitterentur cives, qui bonis sariis instructi utilius pro patria semetipsos impenderent?

Salutiferam hanc mutationem Legumatores solum possunt efficere, quæ veluti communiter divulgatur, difficilis adeo non est, ut vir fortis debeat ab inceptis recedere; Leges enim omnium Civium æqualitati innixas dedere Spartæ Lycurgus, Atheniensibus Solon. Lex agraria pariter, quam Gracchi, ut ratam haberet, ad Romanum populum obtulerunt, in hoc unum spectabat exitum, & plures Græciæ civitates illam perpetrare non dubitarunt. Ipsi vere sub eiusdem ponderis gravitate miserrime exciderunt, sed nihil poterat ab illis fieri gloriosius; quam pro iusticia, & patriæ incolumitate vitam amittere; civilia tunc bella, nisi

intolerabilis. ¹³ Senatus a legi firmiter obati-
tisset, & haud forsitan dilanassent. Re-
publicae nec execrabiles Tyranni sub-
fretos ~~conqum in specia~~ ~~de Romanis~~ &
Orbem subegissent. Nimis Graculi tra-
gebant potentes ex adverso, qui ultri-
bus perciti furis, quum tantum caperent
detrimendum, contra novitatem animi
nec exclamant, & auctorum sanguinem
crudeliter effuderunt. Quotiescum-
que magna vel nova moventur negotia,
expedit, ut prudentia duce per vias obli-
quas ~~hinc et hinc~~ ~~hominum~~ ~~progrequantur~~, ne
per semitas nimium directas euntes, oc-
cultum prodant consilium, ac exitus spe-
re trahi difficultatibus, & periculis qua-
ritus exanimantur. ~~Quomodo~~ ~~igitur~~ ~~justitiae~~ ~~non~~ ~~sit~~ ~~con-~~
~~sentaneum~~, quod divites inter pauperum
gemitus commissentur, ebrumque illudine
misciis, equidem conveniens est, ut quan-
tum fieri potest, eundem curque retribuan-

res afflicti. Romani ex professo Milites
 devictos, inclementius habebant populos,
 & in Urbis abundantie, atque prosperitati
 solummodo consulabant. Ex Philosophia
 potius igitur quam ex antiquitate præ-
 cepta sumere debemus, veluti sapienter
 idem ait Grotius de Legibus (8) *Non a
 Pretoria edicto, sed ipseque nunc neque a
 duodecim tabulis, ut superiores, sed ex ista
 Philosophia hauriendam juris disciplinam
 puto veram esse, cum iure a vilioq. con-
 tractu. Alius congruè velut et a iusto con-
 trahendi libertatem ita ut venditoribus con-
 trahatur contra id quod Valens Imperator
 disposuit (9) quod nemo vendere possit
 domum, aut prædium nisi prius in po-
 tate a finitimis consensus, qui præla-
 tionem habebant in emptione quod sit a
 magnifico Imperatore postea fuit abro-
 gatum.*

(8) *lib. 2. c. 1. c. 2. c. 3. c. 4. c. 5. c. 6. c. 7. c. 8. c. 9. c. 10. c. 11. c. 12. c. 13. c. 14. c. 15. c. 16. c. 17. c. 18. c. 19. c. 20. c. 21. c. 22. c. 23. c. 24. c. 25. c. 26. c. 27. c. 28. c. 29. c. 30. c. 31. c. 32. c. 33. c. 34. c. 35. c. 36. c. 37. c. 38. c. 39. c. 40. c. 41. c. 42. c. 43. c. 44. c. 45. c. 46. c. 47. c. 48. c. 49. c. 50. c. 51. c. 52. c. 53. c. 54. c. 55. c. 56. c. 57. c. 58. c. 59. c. 60. c. 61. c. 62. c. 63. c. 64. c. 65. c. 66. c. 67. c. 68. c. 69. c. 70. c. 71. c. 72. c. 73. c. 74. c. 75. c. 76. c. 77. c. 78. c. 79. c. 80. c. 81. c. 82. c. 83. c. 84. c. 85. c. 86. c. 87. c. 88. c. 89. c. 90. c. 91. c. 92. c. 93. c. 94. c. 95. c. 96. c. 97. c. 98. c. 99. c. 100.*

(9) *in Leg. Dudum Dig. de contrahend. emption.*

Amplissimarum possessionum Domini, qui alienare non poterant, & tamen semper acquirere, omnia in semetipsos societatis ~~absque~~ dubio bona collegissent, nisi amplius acquirendi habuissent prohibitionem.

Bona emphyteutica, quæ Monasteria, vel Ecclesiæ in fidem antiquitus receperunt, ut possessores defensionibus & Legum prædiis destituti, crudelium militum, & latronum effugerent rapacitatem, ad instar allodialium redacta, cum antea Emphyteutæ juxta consuetudinem absque domini directi consensu de illis disponere prohiberentur, nunc ad hæredes libere, & ad omnes transeunt acquirentes. Ereptis impedimentis, quorum causa commercium, & libertas bonorum hærebant, unusquisque maiori spe, atque probabilitate fortunam ampliandi suam, libentius animum ad negotiationes, & ad ingenuas artes adianxit.

B

Concessionem, pluresque immunitates, quæ verè tamquam iniuriæ, dum paucos gaudentes juvant, cæteros offendunt, retractari jubebat æquitas, cuius obrempetans præceptis Leopoldus privilegia omnia firmiter revocavit. Distinctiones honorificas solummodo Principes, veluti inexhaustum munerum, & virtutum thesaurum impendant, quæ dum civibus optime de Patria meritos compensant satis, neminem lædunt, sed quum illas possiat omnes adipisci, nobilem gloriæ ardorem mirabiliter incendunt, & fovent. Omnia igitur ita fuerunt comparata, ut facultatibus, & personis naturæ jura, ac necessarium æquilibrium restituantur. Quod si arduum exoptatam consequi æqualitatem fuerit, attamen, dummodo bona de una in aliam sæpe transcant familiam, nec in unum perpetuo consistant corpus, atque morentur, ignobiles saltem, & pauperes ex facilitate,

propter quam viam ad præmia, ad honores, atque ad opes explanatam cernunt magnam capient utilitatem.

Quid de Legge sepulcrali dicere debemus, quæ quantæ utilitatis sit nemini laret. Hæc ad instar Legum duodecim tabularum, assignato loco extra Urbem humationes prohibuit in Ecclesiis fieri, veluti contra maiorum usum, & Christianorum statuta exitiosa posteris temporibus invaluit consuetudo. Vetustis equidem sæculis Græci, & Romani, nationesque ~~prorsus omnes~~ cadavera in agris sepeliebant, & tantum Vestalibus, & Civibus maxime de patria meritis ex privilegio sepulchrum in Urbem erigere concedebatur, ut de Valerio Poplicola, & de Caio Cæsare Plutarcus (10), & Dio (11) narrant. Nunc vero visum est hoc abiectum aliquibus, qui ortus superbica-

B 2

(10) *In Valerium Poplicolam.*

(11) *Historiar. Lib. XLIV.*

tes claritate, etiam quum fato cederent, & nihil quam pulvis essent, aur umbra, terram cum terra miscere, & communem cum aliis habere quietis habitationem nimium turpe putarunt. Tot habemus in corpore Iuris Civilis, & Canonici Principum, & Pontificum Constitutiones, ut quam omnes aut referte, aut citare nihil foret molestius. Ita Lex duodecim tabularum jubebat. HOMINEM MORTUUM IN URBEM NE SEPELITO NEVE URITO; cui alludit Horatius dicens:

Hoc misera plebis stabat commune sepulcrum (12).

Balduinus autem in suis Commentariis ad duodecim tabulas hoc valde salutiferum commendat institutum „ *Ceterum magna etiam prudentia est opus, religioni sepulchrorum tantum ne tribuatur, ut vivis res hac graviter non noceat, neve ambitio in hoc genere perniciosa, vel alatur, vel*

(12) Lib. I. Satira I^{III}.

toleretur. Certe Marcus Tullius Platonem laudat, qui praeceperit, ne ex agro culto, eove qui celi possit, ulla pars numeretur sepulchro, sed quae natura agri tantummodo efficere possit, ut mortuorum corpora sine detrimento vivorum recipiat, & sic Oinotomus loquitur in Institut. tit. de interdictis, Praetor mortuis hominibus circa sepulturam prospicere voluit, & de iure civili corpora defunctorum propter foetorem non poterant sepeliri intra Civitates, sed extra in campis, & in locis privatis, ut quilibet sibi locum sepulturae eligere potest. Hæc dñe doctissimorum Hominum sententiæ sufficiant, quum a nobis nihil magis, aut melius possit adiungi.

Substitutiones, primogenitorum, & si, deicommissa supersunt, ut celeriter de illis etiam verbum aliquid faciamus. Et apprime nostræ, sese exhibet cogitationi infelix creditor, ad ultimam perductus

miseriam decessus, inhonoratus, & in
carcerem iniuste detrusus, interea dum
fideicommissis prodigus fidens debitor,
qui antiquam familiæ suæ jactat proge-
niem, &

Alta

*Ambitione tumens vulgo se prædicat ortum
Dissecta service Iovis (13).*

Audax, ut Phaeton in rhedis proveheitur,
& in divitiis, & in voluptatibus natans.
turpiter explet vitam. Inter complures
deinceps filios qui ad Patris successionem
idem omnes jus habent, uni tantum in
primogenituris, & feudiis dominium tra-
ditur, & cæteri fratres indigentes alicubi
subsistentiam sibi comparare coguntur,
nec nubere, novamque possunt fundare
domum, per quam & humanum genus
multiplicetur, ac defensoribus civibusque
Patria semper abundet. Substitutionum
caussa latifundia sæpe in unum conge-

(13) *Soflanus Satira VIII.*

runtur caput, & libera potestas testandi
 deque suis facultatibus disponendi, quæ
 jure naturæ competit omnibus, arctis
 adeo ~~coarctatus~~ limitibus, ut fideicom-
 missarius hæres de bonis per fideicommis-
 sum acquisitis micam nequidem post sui
 decessum possit donare; successor enim
 non a Parte, vel ab ultimo Testatore,
 ut inquit Iuris Consulti (14), sed ab
 instituyente vocationem habet qui ad es-
 tremum Mundi exitum usque, quasi ad
 mortalem rediit vitam stulte rerum
 suarum, atque familiæ sollicitudine mor-
 riens exeditur. Parum tot malis binæ
 Leges Francisci I. Augusti providerunt,
 propterea quam optimus ipsius Filius ve-
 luti reliquias arbitrarie jurisprudentiæ,
 aut ambitionis inane monumentum, fi-
 deicommissa funditus evertere melius exi-
 stimavit.

B 4

(14) Justinianus *Instit. tit. de vulg. substit. in
 princ.* Papinianus in *L. coheredi Dig. de vulg.*

Sed prætereunda non est eximia debitorum Lex ab humanissimo Principe edita, (15) super quam nunc ad discernendum aliquantum aggredimur. In ipsa sapienter statuitur, quod creditor ad crediti satisfactionem obtinendam, nequeat contra debitorem suum personalem experiri, quam antea habebat actionem (16), at solum realem vindicationem exceptis tamen creditis commercii ratione contractis, vel ab advenis, qui non possident, nec in Etruria, domicilium acquisiverunt, vel a depositariis pignorum, & a pecuniarum exactoribus, in quibus sæpe fraudi damnum coniungitur. Usque adhuc potentum pedibus conculcata humanitas quievit, nec amplius ingemuit, cuius querulæ voces, & preces

(15) Anno 1782, die 26. Octobris.

(16) Caius in *L. creditor Dig. de reb. credit. Puffendorfius de iure naturæ, & gentium lib. III. Heineccius Anthquit. Romanar. lib. III. Tit. XXX* ..

Philosophorum scriptis excitatæ ad supremam clementiæ sedem feliciter pervenerunt. Hoc tamen æquitatis actum turpe sane ~~dicta~~ a quibusdam, quamvis paucis & insciis, quasi iniustum, ac exitiosum quidem omnibus improbatur; nam veluti imprudenter ajuar, reciproca debitorum, & creditorum destruitur fiducia. Sed Lycurgus, & Solon ulterius excesserunt: Stricte ille servata æqualitatis. Lege agros, & prædia distribuit Lacedæmonibus, & hic Athenis, Plutarcho teste, ~~et~~ ~~propterea auctoritate~~, quod postea a Populo sancitum fuit, pauperum commotus pœnis debita remisit, omnesque ~~delevit~~ obligationes. Hæc vero erant iniusta, & sacra proprietatis jura obturbabant, at quum ad reipublicæ Bonum tenderent comparandum, nemo runc surrexit qui palam de illis inclytis virtute viris conquereretur, & qui eisdem iniu-

scitæ crimine auderet arguere, nemo nostra adfuit ætate. Publica, ut metuebatur frustra non minuit fides, nec mercium hæsit cursus, nec a commodandis pecuniis restiterunt feneratores. Scilicet foret enim superfluum habentem in scrinio potius asservare, quam utilius feneratori; & nisi crederent, officinas subscudo firmare, ut dici solet caupones, & artifices, cogerentur. Ex publica fiducia exoritur creditu exigendi facilitas. Quod si debitor, ut solvat non habet in ære, vincula num reddent solventem? Aquam ut Plauti dicam verbis, e pumice postulamus. Quum autem unde solvere habere in bonis realibus succurrat actio; quæ ad personalem extenditur, dummodo ipse fraudolenter bona sua importunè exactorum indagini surripiat, & abdat; tunc etenim merito ad carcerem condemnatur, ut doli tantum reus, non ut debitor. Nec rarum probat exemplum, quod ali-

qui res alienas exolvant, nexus timore
perterriti, quoniam novum absque dubio
contrahunt debitum, & ut tritum est
proverbium, Penelope telam intexunt.
Malo malum remedium, unquam, esse
non potest, ideoque omnibus debet ini-
quum videri, ut uxor dote ac substantiis
spoliata una cum filiis ad extremam re-
digatur humilitatem, nec miseriis ullæ
beneficus spei radius esulgeat. An pecu-
nias fœnori dare suspiciosi divites reco-
sabuunt? Minime hoc timendum; nam-
quam

*Crescat amor nummi, quantum ipsa pe-
cunia crescit, (18)*

& auri sacra fames, numquam expleta
deficiat, ac ideo spe questus illecei homi-
nes fugientis vitæ negligunt delicias, ip-
sanque potius immo vitam quam opes
libentius amittunt, illasque augere sem-
per, & cupiunt, & student. Fœneratores

(18) *Juvenalis Satira XIV.*

itaque in posterum cui credant consu-
lent; & pauperes diurnis stipendiis, ope-
rumque pretiis auctis seipsos debitis exi-
ment facilius. Toculliones vero, qui pe-
cunias ingenti dant fœnori, ut inexpecti,
vitiosique iuvenes in præcepsum suum, &
ipsi aliena locupletentur iactura; præsi-
dium, legumque curas haud promerentur;
sed potius ultionem, & penas. Quam
igitur personalis aëlio, dum creditores
non adiuvat, miseris autem summopere
noceat, patens est, ex ipsa maximum rei
publicæ exoriri detrimentum, summumque
Imperantem, quam hanc iniustam
maiorum Legem abrogare, nihil sapien-
tius; & nil rectius egisse.

Veretes, & præsertim Græci, qui in
scientiis, & legibus magistri putabantur
quomodo se gerebant, interim videamus.
Et fateri revera cogimur, Græcorum mo-
res multum ab humanitate, & iusticiâ
aberrare. Lycurgus etenim, & Solon;

ut inveteratis malis validum ferrent remedium, proprietatum ordinem inverterunt, & quasi in pristino societatis initio, ~~novam~~ bonorum fecerunt distributionem. Adeo vehemens medicina, morbi quoque violentiam supponit. Sed rursus divites insurrexerunt acerbius in pauperes, & Decemviri inhumanissimam debitorum legem ab Atheniensibus haustam in duodecim tabulis retulere, quam ipsi postea in pejus mutarunt, ut melius in Romanum populum sævire potuissent. ~~Nec Regibus quidem imperantibus debitorum sors felicior fuit; immo Dionisius Halicarnassensis narrat~~ (19) optimum Regem Servium Tullium jus in personam abstulisse, & jus in rem creditoribus solummodo reliquisse. At humanius hoc Servii Tullii institutum jamdiu non viguit, nam ultimus Tarquinius omnes ejus Leges abrogavit, barbarumque mo-

(19) *Historiarum Lib. II.*

rem restituit, quasi e postliminio redū-
cem. Populus autem, quum se in Mon-
te Sæcro Patriciorum, Senatusque tiran-
nidi subtraxisset, falsis eorum deceptus
blanditiis, & promissionibus, potiusquam
à Menenii apologo convictus, & ductus
ad consæta rediit officia, Aulus Gellius
(20) posteris invisam transmisit legem
duodecim tabularum, & Appii Claudii
orationem de hoc argumento in Senatu
habitantē tradit Dionysius (21) in qua
aitur ut veluti legale axioma, *quod non
habens in ære luit in corpore*. Ita vero
lex præcipiebat: *ÆRIS CONFESSI, REBUSQUE
IURE IUDICATIS TRIGINTA DIES IUSTI SONT.*
Incredibilia erant mæla, & innumera quæ
patiebantur obruti. Postquam in vin-
cula turpiter abripi crudelis jusserat præ-
tor, fœrentes satellites illos flagellis ver-
berabant, & quasi captivos decernebat

(20) *Noſt. Attic. XX.*

(21) *Historiarum Lib. V.*

creditoribus pertinere, a quibus abiectis, laboriosisque destinebantur servitiis; ut Dionysius idem Halicarnessensis (22), Quintilianus (23), & Aulus Gellius (24) testantur. Iuvenis Veturii exemplum, quem Plotius, cui parentis sui funeris impensas debebat in servitutem adduxit, satis hanc confirmat veritatem.

Neque hoc etiam divites contenti una cum patre debitore filium pariter detinebant, quasi novum pignoris genus, nec veluti Plinius iunior memorat, (25) ei senio, ~~vel infirmitatibus oppresso~~ parcebant, & post obitum usque illum persequiebantur, non sinentes defuncti corpus e domo exportari, & ad sepulturam duci. Nihil turpius nil hoc scelestius tunc præsertim putabatur, quum vulgo

(22) *Historiar. Lib. IV.*

(23) *Institut. Orator. Lib. VII. & VIII. & Declam. CCCXI.*

(24) *loc. cit.*

(25) *In Panegyrico ad Traianum.*

credideretur manes, quorum cadavera jacerent inhumata, perpetuis affici suppliciis. Creditorum auctoritas ita aliquando ulterius excessit, ut ex dispositione duodecim tabularum quisque, discisso æquis partibus debitoris corpore, portionem suam posset accipere, idque sectio corporis vocabatur. Sed aliquibus hæc lex iniusta, adeoque improba visa est, ut potius affirmarent de sectione bonorum, quam corporum intelligi debere; huic licet sententiæ genuinus verborum sensus obsistat, & Quintilianus (26), Cæcilius Iurisconsultus (27); & Tertullianus (28) sentiant seorsim. Stultissimum revera hoc nobis videtur; at si stultum propter hoc quod stultum est reiici debuisset, in hominum historia fide dignum sapientes vix aliquid invenirent. Populus autem semper de Patriorum iniustitia conquærebatur, bono-

(26) *Instit. Orator. Lib. III.*

(27) *In Aulo Gellio loc. cit.*

(28) *Apolog. IV.*

rumque civium inutiliter implorabat auxilium. Julius Cæsar, qui nisi occupasset, mortalium omnium erat imperio dignior, Decemvirotoꝝ abolevit constitutionem, & Servii Tullii Legem suprema firmavit auctoritate (29). Apud veteres saltem domus propter Religionem, & Penatium cultum velari asyllum sactum habebatur, nec umquam violari sinebant Leges (30). Apud nos vero cuilibet licitum est in jus rapere debitorem ~~in suis etiam rebus absconditum, ubi tutum esse~~ postulat justitia, illumque ab uxoris, & filiorum amplexibus inexorabiles. Lictores violenter divellunt. Ita igitur ab hominibus homines asperissime vexantur, ut ipsi quidem agrestes Scythæ a perfidiâ hisce moribus abhorrent?

*Quod genus hoc hominum, quæve hunc
tam barbara morem;*

(29) *Julius Cæsar de Bello Civili Lib. III. & Suetonius in Cæsarem.*

(30) *Capit. in L. plerique Dig. de in jus vocando.*

Permittit Patria? (31)

An belluæ potiusquam homines sumus!
 Num tam barbaris modis belluis ipsis
 non efficimur deteriores, quemadmodum
 Poeta cecinit!

*Neque hic lupis est mos, neque leonibus
 unquam,*

Nisi indispas feris.

Utinam de huiusmodi rerum veritate dubitare possemus, sed quæ de illis indubitatum reddunt fidem, manent monumenta. Ex præcipue Imperatores Diocletianum, & Massimianum in *Leg. ob æs alienum Cod. de actionib.* ita legitur præcepisse „ *ob æs alienum servire liberos creditoribus jura compelli non patiuntur* „ (32) Ex his ergo verbis colligitur, quod debitorum filii creditoribus inserviebant, & parentes extabant adeo offerri, ut ipsi, & filios pignori darent, aut venderent,

31.

(31) *Virgilius AEneid. Lib. I.*

(32) *Paulus in L. Creditor Dig. qui possitores.*

35

simulque pretium reciperent (33). Iustiniani autem ætate, qua Christianæ Religionis spiritus misericordiam, & clementiam sollicitè commendabat, juxta Moysis præceptum in Exodo (34), ejusdemque Divini Salvatoris (35) ab hac debuisse impia Ethnicorum consuetudine divites recedere nobis videbatur. Et tamen idem Iustinianus in suis novellis (36) constitutionibus sic contra restatur „ Quia vero & huiusmodi iniquitatem in diversis locis nostræ Reipublicæ cognovimus admitti, quia creditores filios debitorum præsumunt retinere, aut in pignus, aut in servile ministerium, aut in conductiorem, hoc modis omnibus prohibemus, & jubemus, ut si quis huiusmodi, aliquid deliquerit, non solum debito cadat, sed tantum aliam quan-

C 2

(33) Diocletianus, & Maximianus in Leg. qui filios Col. qui pign.

(34) Cap. XXII.

(35) Mattheus Cap. XVIII.

(36) Novella CXXXIV. Collect. IX. Tit. X.

titatem adiciat dandam ei; qui retentus est ab eo, aut parentibus eius, & post hoc etiam torporalibus panis ipsum subdit a Loci Indice, quia personam liberam pro debito præsumpserit retinere, aut locare, aut pignorare. Quamobrem evidenter agnoscitur, sapientissimas Diocletiani, & Massimiani Leges obsolevisse; quæ novis adiunctis præuis postea ab eodem Imperatore fuerunt restitutæ. Superius autem in Novella sexagesima (37) per extensum enarraverat, quomodo dives creditor contra debitorem suum in mortis articulo constitutum inique se gesserat. Hic plusquam Marpesia cautes insensilis, & pietatis, religionisque vocibus nihil obtemperans, cōgregatis militibus, & servis in eius domum violenter ingrediens ira morientem compressit ut exanimem penitus reliquerit, & postea auctoritate sua signacula rebus imposuit, nec defunctum

iniuriare eum piguit, nec voluit recedere, sed primum quidem insistens non fieri exequias, deinde non sinens de domo deponi mortuum, atque lectum portari, nisi creditum exegisset, aut donec idoneum accepisset sponsorem, quo patre defunctum terræ tradi permisit.

... Hæc Iustiniani commovendis animis apta sufficit narratio, ut absque ulla dubitatione concipiamus summam illorum temporum iniquitatem, ob quam causam ultimæ supplicii poena huiusmodi rei criminis afficiebantur.

Sed plures politica, & æquitas validiores rationes pro nostra tuenda sententia suppeditant. Inter quas certe primum obrinet locum illa ab animadversione desumpta, quod debitor nec reus est, nec reo quidem juste æquiparari potest, quisquis etenim honestæ conditionis vir calamitatibus, & fortunæ vicissitudinibus subiicitur, durisque sæpissime urgetur ne-

cessitatibus. Iniquum est igitur, humanisque moribus absonum, ut afflicti magis magisque affligantur, utque dulci privati libertatis thesauro ignominia pariter, & contumeliis noteantur. Quid veris autem delinquentibus reservant Leges, dum pœnz adversus innocuos, aut miseros omnes exhauriuntur? Et contra reipublicæ summopere interest, ut indigentes potius manibus sibi quærissent victum, quam ad desperationem frustra perducti ostiatim stipem rogent, & petant. Quam ipsi iucundum mendicantium vivendi genus delibaverint, tunc otio q̄diti, & omnino laboribus inhabiles utiles, & operosam artificum vitam parvipendunt: Cor non utilius stimulantur pauperes ad augendum in prædiis agricolarum nomen, ubi

Desunt manus poscentibus arvis? (38)

& plures artes nonne declinant, aut pe-

reunt, quia ad labores, & opera deficiunt
 arrifices? Nec solum' propter utilitatem
 miserabiles adiuvere, eorumque inopiæ
 succurrere optimum est, sed etiam ut
 periculum auferatur, ne societatis com-
 modis, præsidioque destituti, illam pariter
 derelinquant, neque tricorum socii, alio-
 rumque perditorum hominum effecti, pa-
 triam communem omnium civium ma-
 trem quasi parricidæ sceleribus discendant,
 horridisque eorum suppliciis contristent,
 & angant. ~~Servilia Italæ, & Siciliæ bel-~~
 la ob dominorum, & divitum sævitiam
 erupisse, nemo dubitat, quemadmodum
 ex historiis comprehenditur, maximam
 in exercitu debitorum, & pauperum par-
 tem habuisse Spartacum gladiatorum, qui
 meliori genere, & fero dignus læsæ hu-
 manitatis quasi vindex surrexerat, & ul-
 timum Romanæ Reipublicæ eccidium mi-
 nirabatur, Proh dolor! Severis porius le-
 gum majus perterriti homines, quam dul-

cibus naturæ commoti stimulis, ferream exuerunt immanitatem. At novo Cæsari saltem omnes plaudant unanimes, & veluti bonis, christianisque decet civibus, in ipsius congruant mores, humanioribus eiusque legibus indesinenter obtemperent.

Magnum publicæ felicitatis opus inceptum, & a Leopoldo prorsus absolutum Ferdinandus III. in Patris locum ad Etruriæ regimen assumptus, nec minus ipsius Patris imperio dignus, mirabiliter in totum perficiet. Ab incunabulis usque, quasi arbor tenella. attentissimæ egregii cultoris commissa vigilantia, sub eius auspiciis adolevit, qui novellus Chiron illam puris irrigans aquis virtutum haustis fonti, ita fecit velociter prosperare, ut jam nunc fecunda maturos afferat, & flores, & fructus. Consilarii autem, & Ministri incorruptibili justitia undique clari prope Solium considunt, qui omnibus præstantes virtutibus Philosophorum

Principem Senecam, vitiis tamen exceptis, imitantur, & Seiani mores exemplo improbant, & abhorrent. Ferdināndus tandem inelyta suorum huiusce nominis Decessorum sequens vestigia, ita quomodo, & ipsi fecerunt, dominabitur, ut eius nomen, comite ubicumque gloria, ad immortalitatis, & virtutis templum pervenerit. Florentiæ natus, illi mater Etruria est, quæ merito gloriatur tantum Filium, & tantum progenuisse Civem, per quem ~~aurea Laurentii, utriusque Fer-~~ dinandi Medicea sæcula sunt reditura.

Nam illi quum facilis mores natura pudicos,

Et raras dotes ingeniumque dedit (39).

primo oculorum ictu videbit, quid artes, quid scientiæ, quid denique Reipublicæ salus, bonumque postulant, unde Princeps, & Subdiri mutua invicem benevolentia sese prosequentes magnam, & unicam tantum componant familiam. Hæc

mea, totiusque Etruriæ sunt vota: utinam
 adimplerentur, ut omnes plane felices de
 tanto nobis a Deo dato Viro semper gra-
 tes quam plurimas referamus, & ille glo-
 riosa Optimi Principis, & Patris Patriæ
 promereat nomina, veluti Traianus, An-
 toninus, & Marcus Aurelius obtinuerunt.

Te demum, o Vir clarissime, qui
 neminem aut saltē paucos habes in
 Philosophia pares, & cui Lucani de
 Catone Uricensi loquentis celeberrimum
 convenit elogium,

Institia cultor, rigidi servator honesti (40).
 oro obtestorque, ut quam opus, ingenii
 mei indulgens cunctitati, potius plausu di-
 gnū auctoris desiderium respicias. Cen-
 sor enim; qui minucius, & scrupulosius
 rimans omnia nimis asperum de aliis af-
 fert iudicium, in suis postea illi venia
 opus est, quæ vix ab ipso, vel numquam

impetratur , quemadmodum de ⁴³Asinio
Pollione enarrat Seneca . Apud te vero ,
qui doctrina , simulque humanitate inter
omnes excellis , haud timeo veniam me
fore consequuturum , ac tuam quidem
ego non indulgentiam tantum adipisci ,
sed patrocinium , & laudes obtinere con-
fido , quum optimum in te Patria Civem ,
religiosum pietas virum , & amicum
benevolum atque utilem amici constan-
ter adinveniant .

00000000000000

4504251 D

00000000000000



B.17.5.825.7



BNGF

